



**POLELO KA LETONA LA THUTO LE KOETLISO MOHLOMPHEHI
PROF NTOI RAPAPA
7 MOTS'EANONG 2018**

BASOTHO BA HESO

'MUSO O HLOKEMETSE KA PHATLALATSO E ENTSOENG KE SENATE SA SEKOLO SE SEHOLO SA SECHABA, NATIONAL UNIVERSITY OF LESOTHO (NUL), KA QETO EA HO SE TSOELEPELE KA LITLHAHLOBO TSA MAPOMELO TSE NENG LI TS'OANELA HO QALA BOESA KA LA ROBELI MOTS'EANONG EKASITA LE MESEBETSI E MENG EA SEKOLO.

'MUSO O TSOENYEHILE HAHOLO KE QETO ENA, HAHOLO HA NUL HA JOALE E NA LE CHELETE E LEKANENG HO ETSA MESEBETSI E LOKELEHANG, 'ME KE BOMALIMABE HO FIHLELA QETO EA MOFUTA ONA E SETISANG BAITHUTI HO NGOLA LITLHAHLOBO TSA BONA KA NAKO ENA EA SELEMO.

HO BOETSE HOÁ MAKATSA HORE E BE QETO E TJENA E ETSOA NTLE LE HO TSEBISA LEKHOTLA LE LEHOLO (COUNCIL) LA SEKOLO LE 'MUSO.

NUL E NA LE CHELETE E LEKANENG EA HO KENA LITLHAHLOBONG LE HO TSOELAPELE KA TSÉBETSO EA LETSATSI LE LETSATSI HA JOALE. 'MUSO O SA TSOA FA NUL CHELETE E LIMMILONE TSE MASHOME A MABELI LE METSO E MENE LE LIKETE TSE MAKHOLO A ROBELI TSA MALOTI EA TLATSETSO EA NAKO EA LIKHOELI TSE THARO HO TLOHA KA 'MESA HOISA HO PHUPTJANE. NUL KE SETSI SA 'MUSO SEO OONA 'MUSO O KEKENG OA RATA HO BONA SE HULA KA BOIMA.

'MUSO O UTLOETSE BAITHUTI BOHLOKO, MME O TSÉPISA HO SEBETSA MMOHO LE BA AMEHANG LITABENG TSA THUTO E PHAHAMENG HO FIHLELA THAROLLO EA MATHATA A LICHELETE A APARETSENG LITSI TSOHLE TSA THUTO E PHAHAMENG HO KENYELETSA NUL.

KA LEBAKA LENA, 'MUSO O KENE LIPUISANONG LE BOOKAMELI BA NUL (VICE CHANCELLOR LE CHAIRMAN OF COUNCIL) KAJENO HORE HO SE KOALE SEKOLO LE HORE SEKOLO SE TSOELEPELE KA LITHUTO MOLEMONG OA BALEKANE THUTONG, BAITHUTI, SECHABA LE NAHA KA KAKARETSO. KE TEBELLO EA MUSO HORE SEKOLO HA SENA HO KOALA LE LITHUTO LI TLA TSOELA PELE.

MOHOMA TEMENG BANNA LE BASALI BAHESO!

KHOTSO!

PULA!

NALA!